

Y Pwyllgor Cydraddoldeb, Llywodraeth Leol a  
Chymunedau  
Cynulliad Cenedlaethol Cymru  
Bae Caerdydd  
Caerdydd

14 Rhagfyr 2016

Annwyl gyfaill

Mae'r Pwyllgor Cydraddoldeb, Llywodraeth Leol a Chymunedau wedi cytuno i ymgymryd ag ymchwiliad i hawliau dynol yng Nghymru. Mae hyn yn dilyn ymchwiliad byr Pwyllgor Cymunedau, Cydraddoldeb a Llywodraeth Leol y Pedwerydd Cynulliad i Ddyfodol Cydraddoldeb a Hawliau Dynol yng Nghymru, ac mae hefyd wedi'i lywio gan ymgynghoriad y Pwyllgor ar flaenoriaethau a gynhaliwyd yn ystod haf 2016.

**Cylch gorchwyl**

Er mwyn ein cynorthwyo gyda'n gwaith byddem yn croesawu eich barn ar unrhyw rai, neu bob un o'r pwyntiau hyn:


- yr effaith ar y modd yr amddiffynnir hawliau dynol yng Nghymru wrth i'r DU adael yr Undeb Ewropeaidd,
- effaith cynnig Llywodraeth y DU i ddiddymu Deddf Hawliau Dynol 1998 a chyflwyno Deddf Hawliau Prydeinig i gymryd ei le, a
- chanfyddiadau'r cyhoedd ynglŷn â hawliau dynol yng Nghymru, yn arbennig pa mor ddealladwy a pherthnasol ydynt i bobl Cymru.



Anfonwch eich barn i: [SeneddCymunedau@cynulliad.cymru](mailto:SeneddCymunedau@cynulliad.cymru) erbyn **dydd Gwener 10 Chwefror 2017**.

Mae rhagor o wybodaeth ar sut i gyfrannu at yr ymgynghoriad a manylion am bolisi'r cynulliad at ddatgelu gwybodaeth ar dudalennau gwe'r Cynulliad:  
[www.cynulliad.cymru/ymgyngoriadau](http://www.cynulliad.cymru/ymgyngoriadau)

Yn gywir,



John Griffiths AC

Cadeirydd

